

續修四庫全書



《續修四庫全書》編纂委員會編

續修四庫全書

上海古籍出版社

七五二・史部・職官類

國子監志八十二卷首二卷（卷三十一至卷八十二）〔清〕文慶等撰

24/55/02

國子監志

二
〔清〕文慶等撰

據北京圖書館藏清道光
抄本影印原書版框高二
二二毫米寬三一六毫米

國子監志卷三十一

禮志七

獻功

康熙三十五年

聖祖仁皇帝親征厄魯特噶爾丹朔漠蕩平禮部奏請

舉行慶典

特遣官釋奠

先師孔子

聖祖仁皇帝御製平定噶爾丹告祭

國子監志

卷三十一

禮志七
獻功

一

先師孔子文

朕服膺聖訓殫究遺文凡茲六籍所垂惟以安民為要臨御以來孜孜圖治綏乂蒸民遠邇中外視同一體乃有厄魯特噶爾丹荒陬狡寇肆虐跳梁擾毒邊方稔惡已極朕親統六師三臨絕塞宏彰捷伐克奏膚功逆孽就俘克渠殄滅遐荒番部罔不歸誠自茲永靖邊塵咸安生業惟是至聖先師默相啟佑特遣專官敬申禋祀祇告成功伏惟昭鑒尚饗

四十三年

御製平定朔漠碑文勒石國學碑亭建大成殿階下甬道西

聖祖仁皇帝御製平定朔漠告成太學碑文

維

天盡所覆海內外日月所出入之區悉以昇予一人自踐阼迄今早夜殫思休養生息冀臻熙皞以克副維皇大德好生之意庶幾疆域無事得以偃兵息民乃厄魯特噶爾丹阻險北陲困此一方人既荼毒塞外輒狡焉肆其克逆犯我邊鄙虐我臣服人用弗寧夫蕩寇所以息民攘外所以安內邊寇不除則吾民不安此神人所共憤天討所必加豈憚一人之勞弗貽天下之逸於是斷自朕心躬臨朔漠欲使悔而革心故每許以不殺彼怙終不悛我師三出絕塞朕皆親御以行深入不毛屢涉寒暑勞苦艱難與偏裨士卒共之迨彼狂授首脅從歸誠荒外君長來享闕下西北萬里灌燧銷烽中外乂謐惟朕不得已用兵以安民既告厥成事乃蠲釋昔災潔事禋望為億兆祈昇平之福而廷臣請紀功太學垂示來茲朕勞心於邦

國子監志

卷三十一

禮志七
獻功

二

本嘗欲以文德化成天下。顧茲武略。廷臣僉謂所以建威消萌。宜昭斯績於有永也。朕不獲辭考之禮王制。有曰天子將出征。受成於學。出征執有罪。反釋奠於學。以訊馘告。而泮宮之詩。亦曰矯矯虎臣。在泮獻馘。又禮王師大猷。則奏愷樂。大司樂掌其事。則是古者文事武事為一。折衝之用。具在樽俎之間。故受成獻馘。一歸於學。此文武之盛制也。朕嚮意於三代。故斯舉也。出則告於神祇。歸而遣祀闕里。茲允廷臣之請。猶禮

國子監志

卷三十一

禮志七
獻功

三

先師以告克之遺意。而於六經之旨。為相符合也。爰取思樂泮水之義。為詩以銘之。以見取亂侮亡之師。在朕有不得已而用之之實。或者不戾於古帝王伐罪安民之意云爾。銘曰

巍巍

先聖萬世之師。敬信愛人。治平所基。煌煌聖言。文武道一。禮樂征伐。自天子出。朕臨域中。逾茲三紀。嘗見

美牆寤寐。永矢下念。民瘼上承。帝謂四海無外。盡隸侯尉。維彼克醜。瀆亂典常。既梗聲

教。遂窺我疆。譬之於農。患在螟螣。秉畀不施。將害稼穡。度彼游魂。險遠是怙。震以德威。可往而取。朕志先定。龜筮其依。屬車萬乘。建以龍旂。祝融駉鸞。風伯戒途。宜暘而暘。利我樵蘇。大野水涸。川漬效靈。衆忽自湧。其甘如醴。設為犄角。一出其西。一出其東。中自將之。絕域無人。獸羣自掩。五日窮追。彼狂走險。大殲於路。波血其孥。翦其黨孽。倖彼卒徒。衆烏盡號。單馬宵遁。恐久駐師。重為民困。慎固戍守。還轅於京。自夏徂冬。雨雪其零。載馳載驅。我行至再。秦茲窮寇。昏惑不

國子監志

卷三十一

禮志七
獻功

四

悔。我邊我氓。以休以助。爰寧其居。爰復其賦。藩落老稚。斯怙斯嬉。歲晏來歸。春與之期。春風飄颻。廟揚我師。旃我今于邁。如涉我郊。言秣我馬。狼居胥山。登高以眺。閔彼彈丸。天降克罰。孤雛就羈。三駕三捷。封狼與尸。既腊臬獍。既獮豺豕。大漠西北。解甲棄矢。振旅凱入。澤霽郊卜。明禮肆赦。用迓景福。昔我往矣。在泮飲酒。陳師鞠旅。誓屈羣醜。今我來思。在泮獻功。有赫頌聲。文軌來同。采芹采藻。頌興東魯。車攻馬同。亦鐫石鼓。師在安民。非出不得已。古人有作。昭示斯旨。緬惟虞

廷誕敷文德聖如

先師戰慎必克惟兵宜戢惟德乃綏億萬斯年視此銘詞

還 雍正二年大兵西征羅卜藏丹津青海底定凱

世宗憲皇帝御午門受俘

遣官釋奠

先師孔子三年

御製平定青海碑文勒石國學

碑亭建大咸豐
階下甬道東南

國子監志

卷三十一

禮志七
狀功

五

世宗憲皇帝御製平定青海告成太學碑文

我國家受

天眷命撫臨八極日月所照罔不臣順遐邇又安兆人

蒙福乃有羅卜藏丹津者其先世固始汗自國初稽

首歸命當時使臣建議畀以駐牧之地其居雜番羌

密近甘涼我

皇考聖祖仁皇帝睿慮深遠每厯於懷既

親御六師平定朔漠威靈所加青海部落札什巴圖兒

等震誓承命

聖祖仁皇帝因沛殊恩封為親王兄弟八人咸賜爵祿

羈縻包容示以寬大而狼心梟性不可以德義化三

十年來包藏異志朕紹登寶位優之賜資榮其封號

尚冀革心輯寧部衆而羅卜藏丹津昏謬狂悖同黨

吹拉克諾木齊阿爾布坦溫布藏巴札布等實為元

惡謂國家方宏浩蕩之恩不設嚴密之備誕敢首造

逆謀迫脅番羌侵犯邊城反狀彰露用不可釋於天

誅遂命川陝總督太保公年羹堯為撫遠大將軍聲

罪致討以雍正元年十月師始出塞自冬涉春屢破

國子監志

禮志七
狀功

六

其衆凡同叛之部落戈鋌所指應時摧敗招降數十

萬衆又降其貝勒貝子台吉等二十餘人朕猶聞其

蠢惡若悔禍思懲束手來歸尚可全宥而怙惡不悛

負險抗違乃決翦滅之計以方略密付大將軍羹堯

調度軍謀簡稽將士用四川提督岳鍾琪為奮威將

軍於仲春初旬

禡牙徂征分道深入搗其窟穴電掃風驅搜剔嚴阻

賊徒蒼黃靡潰窮蹙失據羅卜藏丹津之母及謀逆

渠魁悉就俘執擒獲賊衆累萬牲畜軍械不可數計

賊首逃遁我師踰險窮追獲其輜重人口殆盡羅卜藏丹津子身易服竄匿荒山殘喘待斃自二月八日至二十有二日僅旬有五日軍士無久役之勞內地無轉輸之費克奏膚功永清西徼三月之朔奏凱旋旅饒鼓喧轟士衆訢喜四月十有二日以倡逆之吹拉克諾木齊等三人獻俘

廟

社受俘之日臣民稱慶伏念

聖祖仁皇帝威靈震於遐方福慶流於奕葉用克張皇

國子監志

卷三十一

禮志七
狀功

七

六師殄滅狂賊行簡將士亦由感激

湛恩厚澤為朕踴躍用命斯役也芟夷凶悖綏靖番羌俾烽燧永息中外人民胥享安阜實成

先志以懋有不績廷臣上言稽古典禮出征而受成於學所以定兵謀也獻誠而釋奠於學所以告凱捷也宜刊諸珉石揭於太學用昭示於無極遂為之銘曰天有雷霆聖作弧矢輔仁而行威遠寧邇維此青海種類實繁錫之茅土列在藩垣被我寵光位崇祿富負其阻遐禍心潛構恭惟

聖祖慮遠智周瞻念荒服綏撫懷柔朔野既清西陲攸

震爵號濟加示之恩信如何克狡造謀逆天鼓動昏慙寇侵於邊惟彼有罪自干天罰桓桓虎貔爰張九伐王師即路冬雪初零日耀組練雷響聲鉦泰茲不順敢逆我旅奮張螳臂以當齊斧止如山嶽疾如雨風我戰則克賊壘其空彼昏終昧曾不悔戾當翦而滅斯焉決計厲兵簡將往搗其巢踰歷欽嶺坦若坳郊賊棄其家我繫而獲牛馬谷量器仗山積蹇免失窟何所遁逃枯魚游釜假息煎熬師以順動神明所

國子監志

卷三十一

禮志七
狀功

八

福旬日凱歸不疾而速殪彼逆謀懸首蒙街獻俘成禮金鼓調諧西域所瞻此惟雄特天討既申羣酋惕息索戈偃革告成辟雍聲教遐暨萬國來同惟我

聖祖親平大漠巍功煥文邁桓軼酌流光悠久視此銘解繼志述事念茲在茲

降

乾隆十四年大兵征金川酋長索羅奔窮蹙乞

高宗純皇帝憐而宥之金川底定凱旋廷臣請循

世宗憲皇帝平定青海例告成於學

詔從之

遣官釋奠

先師孔子

御製平定金川碑文勒石國學

碑亭建大成殿階下甬道西

高宗純皇帝御製平定金川告成太學碑文

天畀我皇清握乾符俯坤軸函括萬邦悉主悉臣

五后續承創守佑啟亦惟是二三蓋臣布德宣力予曰

有先後予曰有禦侮用造我不丕丕基罔有孽芽罔不

國子監志

卷三十一

禮志七
獻功

九

煦姬長養游於大當粵有金川婆羅奔者居西蜀桃
關以外界綽斯甲小金川之間向曾從征得受符檄
與諸土司齒顧恃其險遠夜郎自大構釁鄰番各土
司申訴封疆吏吏曰蔓之不圖豈其視為甌脫乃請
兵籌餉期掃其穴而司其事者或怯縮以老師或獯
狡以蓄志軍無適從事用不集予心憫然念邊徼之
不寧或致增防置戍重勞吾民大學士忠勇公傅恒
義同休戚毅然請肩斯任乃命以經略印益厚集諸
路軍躬秉相繼間不驚卜吉於戊辰十一月之三

日

馮牙以指所征朕親御武帳賜經略酒以行天日和

昶陽氣宣復都人士聽親聳躍罔不忭喜謂露布之

且暮至也乃歷燕晉驅秦隴越劔閣絕川江凌桃關

之熾徑天射之峻又日討軍實而教誠拊循之均其

渴飲飢食同其曉征夜眠至於密贊機務親草奏章

則又經略獨勤其勞而諸武臣有所不知有弗能共

者恩威既明士用益勵度番落如戶庭過部伍於社

席奸酋授首軍聲大振復以巨礮擊其礪堅礪以摧

國子監志

卷三十一

禮志七
獻功

十

將俟諸軍之集搗其中堅而番酋駭駭脫喉稽首請
降經略臣以彼罪重惡極窮而乞生久或淪且借焉
慮不允所請朕惟

天地之德在好生彼蟻潰而鼠駭者毋寧赦而宥之且
求降而盡殲之不可謂武矧不足以汚我斧也於是
經略宣朕明旨登壇受降己巳二月之望日金川平
定捷音至京是役也深入數千里奏凱未七旬而振
旅之師多有返自中途未究其用者昔之成功巴蜀
如建武之定公孫江陵之降李勢皆在版圖之內無

足比數廷臣舉

皇祖朝漢

皇考青海成例請勒碑成均以示來許夫秉丹誠而運籌決勝永靖荒徼者經略大學士之功也商可否於帷幄衝矢石於行陣者參贊大臣及諸將士力也朕何有焉惟是體

乾元之德凜佳兵之戒保大定功安民和衆庶幾可以垂則乎乃系之辭曰

維

國子監志

卷三十一

禮志七
職功

十一

天生人類聚羣分凡茲林林孰非我民有羈而縻有誨而諄豈伊異視遠近殊倫守在四夷稽古名言無已用之寓義於仁 姦彼金夷恃其險阻蠶食獮張謂莫我拒不靖不庭侵厥鄰聚駭奔叫喚以干大咎匪棘匪紓猘狁之故我張我伐猘狁之故 我師既集賊亦相持匪敢相持懼誅自支兩易寒暑救功稍稽賊益以狂怒臂當車罪臣既誅以徇我師朕咨於恒汝往視之 朕咨於恒惟汝同德惟我庶士亦久於役將茲旗兵羽林神策其勇熊羆其心金石何敵弗

撫何攻弗克濟以汝忠奏捷頃刻 恒拜稽首臣敢弗獲既

禡既宜師出于京師出于京時維一陽未逾五旬乃歷其疆前旌獵獵有節煌煌羣番過驚謂自天降維彼攸恃曰良爾吉以偵以謀如鬼如蜮其恃爰誅其類股慄紀律是明我兵是詰鑄礮攻礪其守以失惟是懼誅潛弗敢出 其潛弗出乃且夕延將齊我軍披其中堅大蘇大腓期日之前彼乃窮蹙乞降悚虔惟命是從六軍永遵除道築壇肉袒羊牽 赴赴

國子監志

卷三十一

禮志七
職功

十一

鍾琪乃度之愬聿抵賊巢開誠以諭攜其二酋軍門親赴悔罪歸誠車塵馬足順斯撫之昭我王度昔也雷震今也雨露 七縱諸葛單騎汾陽曰我相臣于前有光晉爵錫服黼黻龍章速歸黃閣左右贊襄休養生息惠鮮蜀邦我武既揚無疆惟慶

大功告成

遣官釋奠

先師孔子二十三年

御製平定準噶爾碑文勒石國學碑序建大咸

高宗純皇帝御製平定準噶爾告成太學碑文殿階下甬道東

遼矣山戎薰粥梅裘毳幕之人界以龍沙畜其驛奚雖無恒業厥有分部蓋自元黃剖判萬物芸生東夷西夷各依其地謬舉淳維未為理據皇古莫紀其見之書史者自周宣太原之伐秦政互海之築莫不畏其侵軼猾夏是虞自時厥後一二奮發之君慨然思挫其鋒而納之宥然事不中機材不副用加以地遠無定處故當勞衆費財十損一得搢紳之儒守和親

國子監志

卷三十一

禮志七
獻功

十三

介冑之士言征伐征伐則民力竭和親則國威喪於是守有四夷羈縻不絕地不可耕民不可臣之言興矣然此以論漢唐宋明之中夏而非謂我皇清之中夏也皇清荷

天之龍興東海撫華區有元之裔久屬版章歲朝貢從征狩執役惟謹準噶爾厄魯特者本有元之臣僕叛出據海西終明世為邊患至噶爾丹而稍強吞噬鄰蕃闌入北塞我

皇祖三臨朔漠用大破其師元惡伏冥誅脅從遠遯跡

毋俾遺種於我喀爾喀厥姪策妄阿拉布坦收其遺孽僅保伊犁故嘗索俘取地無敢不共逮夫部落滋聚乃以計襲哈密入西藏準夷之勢於是而復張

兩朝命將問罪雖屢獲捷而庚戌之役逆子噶爾丹策凌能用其父舊人乘我師怠掠畜於巴里坤犄營於和卜多於是而準夷之勢大張然地既險遠主客異焉此勞往而無利彼亦如之故額爾德尼招之敗彼亦以彼貪利而深入也

皇考謂我武既揚不可以既允其請和以息我衆予小

國子監志

卷三十一

禮志七
獻功

十四

子敬奉

先志無越思焉既而噶爾丹策凌死子策妄多爾濟那木扎爾暴殘喇嘛達爾扎篡奪之達瓦齊又篡奪喇嘛達爾扎而酗酒虐下尤甚焉癸酉冬都爾伯特台吉策凌等率數萬人來歸越明年秋輝特台吉阿睦爾撒納和碩特台吉班珠爾又率數萬人來歸朕謂來者不可以不撫而撫之莫若因其地其俗而善循之且毋令滋方來之患於我喀爾喀也於是議進兩路之師問彼罪魁安我新附凡運餉籌駭長行利戰

之事悉備議之始熟經於庚戌之艱者咸懼蹈轍惟大學士忠勇公傳恒見與朕同而新附諸台吉則求之甚力朕謂犁庭掃穴即不敢必然喀爾喀之地必不可以久居若而人毋寧用其鋒而觀厥成即不如志亦非所悔也故凡禡旗命將之典概未舉行亦云偏師嘗試為之耳塞上用兵必以秋而阿睦爾撒納瑪木特請以春月欲乘彼馬未肥則不能逃朕謂其言良當遂從之北路以二月丙辰西路以二月己巳各起行哈密瀚海向無雨今春乃大雨咸以為時雨

國子監志

卷三十一

禮志七
職官

十五

之師入賊境凡所過之鄂拓克攜羊酒糗糧迎恐後五月乙亥至伊犁亦如之達瓦齊於格登山麓結營以待兵近萬我兩將軍議以兵取則傷彼必衆彼衆皆我衆多傷非所以體上慈也丁亥遣阿玉錫等二十五人夜斫營覘賊嚮賊兵大潰相蹂躪死者不可勝數來降者七千餘我二十五人無一人受傷者達瓦齊以百餘騎竄六月庚戌回人阿奇木霍集斯伯克執達瓦齊來獻軍門準噶爾平是役也定議不過二人籌事不過一年兵行不過五月無亡矢遺鏃之

費大勲以集遐壤以定豈人力哉

天也然

天垂佑而授之事機設不奉行之以致坐失者多矣可與樂成不可與謀始亦謂蚩蚩之衆云爾豈其卿大夫之謂既克集事則又曰苟知其易將勸為之夫明於事後者必將昧於幾先朕用是寒心且準噶爾一小部落耳一二有能為之長而其樹也固焉一二暴失德之長而其亡也忽焉朕用是知懼武成而勒碑文廟例也禮臣以為請故據實事書之其辭曰

國子監志

卷三十一

禮志七
職官

十六

茫茫伊犁大幹之西匪今伊昔化外羈縻條支之東大宛以南隨畜獵獸蟻聚狼貪乃世其惡乃恃其遠或激我攻而乘我緩其計在斯其長可窮止戈靖邊化日薰風不侵不距不來其那款關求市亦不禁訶始慕希珍終居奇貨吏喜無事遷就斯悞漸不可長我豈懼其豈如宋明和市之為既知其然飭我邊吏弗縱弗嚴示之節制不仁之守再世斯斬奪相仍飄忽荏苒夙沙草面煎羣披忱集泮飛鵲食豳懷音錫之爵位榮以華裾膝前面請願効前驅兵分兩路

雪甲霜鋒先導中堅如鼉錯攻益以後勁蒙古舊屬
八旗子弟其心允篤二月卜吉牙旗飄飄我騎斯騰
無待折膠泉湧於磧蕪茁於路我衆歡躍謂有天助
匪啻我衆新附亦云黃髮耄耋水草富春烏魯木齊
波羅塔拉台吉宰桑紛紛款納牽其肥羊及馬潼酒
獻其屠耆合掌雙手予有前諭所禁侵陵以茶交易
大愉衆情衆情既愉來者日繼麇達瓦齊擁兵自衛
依山據淖惟旦夕延有近萬人其心十十勇不目逃
擒二十五日阿玉錫率往賊所銜枚夜襲直入其郭
國子監志 卷三十一 禮志七 獻功 十七
揮矛拍馬大聲疾呼彼人既離我志斯合突將無前
縱橫蹀躞索角鹿埵隴種東籠自相狼籍孰敢撓鋒
狐竄鼠逃將往異域回部遮之克渠斯得露布既至
告

廟受俘凡此歲功荷

天之衢在古周宣二年乙亥淮夷是平常武詩載越我
皇祖征噶爾丹命將禡旗亦乙亥年既符歲德允協師
貞兵不血刃漠無王庭昔在準夷弗恭弗諶今隨師
行為師候尉昔時準夷日戰夜征今也偃臥知樂人

生曰匪準夷曰我臣僕自今伊始安爾游牧爾牧爾
耕爾長孫子曰無向非豈有今是

兩朝志竟億萬基成側席不遑保泰持盈

高宗純皇帝御製平定準噶爾勒銘伊犁之碑

惟

天盡所覆俾我皇清罔不在宥惟清奉

昊天撫薄海北庶悉主悉臣叶

太祖

太宗

國子監志

卷三十一

禮志七

二

世祖肇基宅中皇者其武

聖祖

世宗親光揚烈克臻邱隆逮予藐躬思日孜孜期四海

同風咨汝準噶爾叶亦蒙古同類何自外擯數世梗

化篡奪相仍碩仇其下厥達瓦齊甚毒於醒衆心疵

疵如苗斯蠹如虺斯蜚衆口嗷嗷視爾嗷止予焦勞

止期救不崇朝止視爾疵止予噫嘻止亟出汝泥塗

止迺命新附爾為先鋒熟悉其路迺命勁旅攜數月

糧毋或掠虜師行時雨王旅嘽嘽亦無滌阻左旋右

抽王旅渾渾既暇以休烏魯木齊及五集賽度之折

折台吉宰桑迎降恐後奚事斧吭波羅塔拉闊爾奇

嶺險如關闔倒戈反攻達瓦齊走旦夕途窮回部遮

獲彼鼠斯噉地入無隙露布飛至受俘午門爰貸其

罪自今以始四部我臣伊犁我宇叶曰綽羅斯及都

爾伯特和碩特輝特封四可汗來建王公游牧各安

宰桑公臣屬我旗籍誰汝苦辛爾恭爾長爾華爾幼

徐以牧養爾駝爾牛爾羊爾馬畜牧優游分疆各守

毋相侵陵以干大咎齊禦外域曰布魯特越哈薩克

國子監志

卷三十一

禮志七 狀功

九

醉飲飽食敬興黃教福自天錫伊犁平叶矣勒貞珉
矣於萬斯年矣

謹案是碑恭勒於

登載

御製平定準噶爾告成大學碑之陰故謹編於此餘不

國子監志卷三十二

禮志八

獻功

乾隆二十四年回部全境蕩平

天威遠播拓地二萬餘里大功告成

遣官釋奠

先師孔子

御製平定回部碑文勒石國學

碑亭建殿階下甬道西

高宗純皇帝御製平定回部告成大學碑文

國子監志

卷三十二

禮志八 狀功

一

建非常之功者以舉非常之事舉非常之事者以藉
非常之人然亦有不藉非常之人而舉非常之事終
建非常之功者則賴

昊蒼篤旣神運幹旋事若禍而移福機似逆而轉順順

天者昌逆

天者亡故犁準夷之庭掃回部之穴五年之間兩勲並

集始遲疑猶未敢信終劼劼以底有成荷

天之龍在茲畏

天之鑒益在茲爰叙其事如左達瓦齊之就俘也伊犁

已大定矣。無何而阿睦爾撒納叛。彼其志本欲藉我力以成已事。時也人心未定。佐饗者嘗一蟻肆狂。萬狙應響。蜂屯蟻聚。不可爬梳。畏難者羣謂不出所料。準夷終不可取。竝有欲棄巴里坤為退守謀。然予計其衆志不齊。將有歸正倒戈者。於是督策將帥之臣。整師竝進。既而伊犁諸台吉宰桑果悔過勤王。思討逆賊以自贖。此

天恩助順者一也。二酋大小和卓木者。以回部望族。久為準噶爾所拘於阿巴噶斯鄂拓者也。我師既定伊犁。

國子監志

卷三十二

禮志八
獻功

二

犁乃釋其囚。以兵送大和卓木波羅泥都歸葉爾奇木。俾統其舊屬。而令小和卓木霍集占居於伊犁。撫其在伊犁衆。回乃小和卓木助阿逆攻勤王之台吉宰桑等。阿逆賴以苟延。及我師再入阿逆遂逃入哈薩克。而霍集占亦即收其餘衆。竄歸舊穴。此

天恩助順者二也。準夷之事。前紀略見梗概。茲不復紀。紀興師討回之由。則以我將軍兆惠在伊犁時。曾遣副都統阿敏道往回議事。小和卓木乃以計誘阿敏道而拘之。及我師底庫車。問罪。彼攜阿敏道以來。援

至中途害之。及從行者百人。彼猶逞其狂悖。抗我師。頗且敢冒死入庫車城。乃雅爾哈善略無紀律。致彼出入自由。然我滿洲索倫衆兵士。無不念國家之恩。效疆場之力。故能以少勝衆。逆渠懼而免脫。此

天恩助順者三也。知債轅之無濟。掄幹材之可任。時將軍兆惠以搜勦準夷餘黨。至布露特部落。已款服其衆。因命旋師。定回部。於是克庫車。存沙雅爾。定阿克蘇。略烏什。收和闐。師之所至。降者望風。直至葉爾奇木城下。而我軍人馬周行萬有餘里。亦猶強弩之末。

國子監志

卷三十二

禮志八
獻功

三

矣。二酋以其逸待之力。統數萬人。與我三千餘人戰。我師之過河者。繞四百餘猶能斬將奪旗。退而築堡黑水固守以待。此

天恩助順者四也。萬里之外。抱水救火。其曷能濟。乃予以去年六月。即降旨派兵撥馬。欲以更易久。在行間者耳。故兵馬率早在途。一趨進而各爭前恐後。人人有敵愾之憤。此

天恩助順者五也。副將軍富德及參贊舒赫德率師進援。以速行戈壁中。馬力復疲。值狂回據險。坐俟。頗

有難進之勢。夫援軍不能進。則固守以待者危矣。而參贊阿里哀。驅後隊之馬適至。夜擣賊營。我師內外夾攻。彼不知我軍。凡有幾萬。握炭流湯之徒。自相蹂躪。顧命不暇。於是解黑水之圍。鹿駭靡驚。遁而保窟。我之兩軍。合隊全旅。以迴阿克蘇此。

天恩助順者六也。既而彼料我必再入。泰山之壓難當。乃於我師未進之先。攜其部落。載其重器。跳而遠去。而葉爾奇木。哈什哈爾。二城之舊伯克等。遂獻城以降。參贊明瑞一邀之於霍斯庫魯克。副將軍富德再

國子監志

卷三十三 禮志八 獻功

四

陷之於阿爾楚爾。於是離心者而內前途者。反旆二酋。惟挈其妻孥及舊僕。僅三百人。入拔達克山境。此天恩助順者七也。人跡不通之地。語言不同之國。既已雀獸寧不狼顧。其授我與否。固未可定也。然一聞將軍之檄。莫不援旗請奮。整旅前遮。遂得克渠。函首露布。遙傳此。

天恩助順者八也。夷考西師之役。非予夙願之圖。何則。實以國家幅員不為不廣。屬國不為不多。惟塵守成之志。無希開創之名。兼以承平日久。人習於逸。既無

非常之人。安能舉非常之事。而建非常之功哉。然而輟轉輻湊。每以艱而獲。易視若失。而反得。故自締始。以逮定功。雖予自問。亦將有所不解其故。而不敢期其必然者。故曰非人力也。

天也夫

天如是顯佑國家者。以

祖宗之敬

天愛民蒙

眷顧者深也。則我後世子孫。其何以心

國子監志

卷三十三 禮志八 獻功

五

上蒼之心志

列聖之志。勉繼繩於有永。保丕基於無窮。予繫以銘曰。二酋僭德。始亂為賊。是興王師。報怨以直。伊犁既平。叢爾奚屑。徐議耕闢。徐議戍設。以噢以咻。伊予本懷。豈其弗戢。圖彼藐回。彼回不量。怒臂當車。戕我王臣。助彼狂狙。始攻庫車。債轅敗事。用人弗當。至今為愧。悖逆罪重。我武宜揚。易將整師。直壓彼疆。阿蘇烏什。玉隴和闐。傳檄以定。肉袒羊牽。二酋孽深。知不可活。狼狽相顧。固守其穴。桓桓我師。周行萬里。馬不進焉。